





Case D3

ht





1578. *Par 10 10 10*
P. A R A D O X E
SVR LE FAICT DES
MONNOYES,

Par François Garrault sieur des Gorges
Conseiller du Roy & general
en sa cour des monnoyes.



A PARIS,
Chez Jacques du Puys, Libraire iuré en
l'vniuersité, ruë saint Iean de La-
tran, à l'enseigne de la
Samaritaine.

1578.

Avec Priuilege du Roy.

EXDAR

REVUE DE LAIOT DES

Case


F

39

326

1578g

THE NEWBERRY
LIBRARY



EXDAR

REVUE DE LAIOT DES

Case

F

A MONSIEVR DV FAVR

Seigneur de Pybrac, Conseiller du
Roy en son conseil priué, & President
en la cour de parlement de Paris.

Monsieur, ayant entendu plusieurs opinions és
assemblees faictes pour pourvoir au desregle-
ment des monnoyes, le me suis aduisé d'escrire
ces deux Paradoxes, pour tantement respondre à plu-
sieurs desdictes opinions, par un autre bese de ces deux
discours. Et aussi pour stimuler que que gentile esprit à
contredire par raisons que ie pourois bien desdire, es-
stant le faict des monnoyes tel'ement problematicque,
qu'il se peut disputer en l'une & l'autre part. Et pour
autant que ce que i'escris est contre la commune opi-
nion, qui ne pourra estre bien veu ny receu de tous, mais
contredit & calumnié de plusieurs, l'ay pris la hardies-
se de le vous presenter, m'assurant que vostre aduen le
peut deffendre & preserver de toute enuie, vous priant
Monsieur le recevoir pour gage du service que ie vous
desire faire.

A ij

QUELLES MONNOYES

N'ONT POINT CHANGE

de valeur.

Paradoxe premier.



EN VU le temps que la monnoye est venue en vsage entre les hommes au lieu de l'anciēne permutation. Le vulgaire a eu ceste oppinion qu'elle à decliné & changé de sa premiere integrité & bonté, à quoy on peut facilement respondre & monstrier du contraire, par la police que les anciens ont obserué de tout tēps en leurs monnoyes, qui seroit chose trop prolix à reciter & laquelle ie veux obmettre sans amener en auant les monnoyes anciennes comme le sicle des Hebreux, les Staters des Perles & Grecs, l'As & denier Romain: & aussi peu vne infinité de monnoyes qui ont esté cy deuant fabriquees en ce royaume de France desquelles le temps nous a osté l'vsage & connoissance. Mais seullemēt ie me veux aider de celles qui sont vsuelles & en estre cōme l'escu sol & le douzain qui sont les

principalles monnoyes qui interueniennēt
és ventes & achaps tant en payement que
apreciation, & souz lesquelles especes le
Roy Loys onziésme r'establit & remit
sus l'estat des monnoyes du tout ruiné &
delaisé à l'occasio des guerres passées, de
maniere qu'il ne leur restoit que le seul
nó & image sans substâce ny valeur. Ce
Roy dócques desireux de les reduire en
l'estat qu'elles estoiet du temps du roy S.
Loys, q le denier d'or estoit estimé xij.
deniers d'argēt de mesme poids: Laquel-
le chose il ne pouuoit facilement execu-
ter pour la grande quantité de billó dót
la France estoit remplie, qui ne se pou-
uoit affiner sans grás frais & perte, pour
reduire lesdictes monnoyes en matiere fi-
ne. Il aduisa d'vser de la monnoye de bil-
lon, pour eualluer, partir, & diuiser l'espe-
ce d'or en certain nombre: qui vaudroit
vn escu, & contiendrait intrinsequennēt
douze fois autant d'argent que l'escu te-
noit d'or fin. En faisant laquelle estima-
tion on compta la valeur du cuiure, qui
fut cause que ceste proportion dou-
ziésme ne fut exactement obseruee

de fin à fin reduit en matiere hors œuure,
& ne reuenoit que à vnze trois quarts ou
enuiron, laquelle proportion a peu ou
point varié iusques à present, qui a faict
que la monnoye est demeurée stable &
arrestee en valeur sans auoir varié, qui est
l'argument de ce Paradoxe. En memoire
dequoy ce Roy feit merquer l'escu d'or
d'un soleil par vne alusion à ce mot de
sold, qui estoit anciennement le denier
d'or, & pareillement feit faire des grands
blancs merquez d'un soleil du pris de
douze petits tournois, qui furent pour ce
dicts douzains, comme aussi pour tacite-
ment exprimer ceste proportion dou-
ziesme ou enuiron de l'argent à l'or se-
lon la bonté intrinsecque contenuë &
cachee dans le corps de ladicte mon-
noye de billon.

Ce qui a esté obserué par tous ses suc-
cesseurs roys comme il se peut facillemēt
verifier par les fabrications desdictes es-
peces, continuees soubz les regnes d'un
chacun d'iceux, Et esquelles monoyes cō-
uient considerer la bonté intrinseque seu-
lement qui donne la valler, & non la

quantité des especes, qui n'est qu'une superficie & image signifiante & donnant tesmoignage de l'interieur, qui ne se peut facilement iuger ny discerner. Et le deuxiesme Nouembre mil quatre cens soixante & quinze. Ce Roy feit valoir le marc d'or 18. liures dix sols, & le marc d'argent dix liu. (qui est une porportio de 11 $\frac{17}{8}$ d'argent, pour un d'or) Sur lequel pris de 118 liures dix sols le marc d'or, furent faicts escuz au soleil d'or à 23. carats, de 70. pieces au marc courans, pour 33. sols tournois piece. Et sur ledict pris de 10. liures le marc d'argent furent faicts grâds blâcs de 4. deniers douze grains de loy, & de 78. pieces au marc courans, pour 12. petits tournois piece. Après luy le Roy Charles huietiesme pour subuenir à ses affaires augmenta le pris de l'or & argent, & feit valoir le marc d'or fin 130. liures trois sols quatre deniers. Et le marc d'argent 11. liures (qui est une portion de 11 $\frac{5}{6}$ d'argent pour un d'or & proportionnemēt augmenta le pris de l'escu par douzains de nouvelle fabrication, correspondans en bonté intrinseque à la valeur des prece-

dens suyuant le pris dudit escu. Et par lettres pattées données au Plessis lez Tours le 24. Auriel, 1488 : sur ledict pris de 130 l. 3. s. 4. d. le marc d'or, fait continuer la dessusdicté fabricatiō d'escuz au soleil pour auoir cours pour 36. s. 3. d. piece. Et sur ledict pris de 11. liures le marc d'argent fait faire nouueaux douzains de la loy des precedens & de 86. pieces au marc. Interdisant la fabrication des vieux douzains au soleil qu'il fait valoir treize deniers : de maniere que les 33. & 6. d. valloyent tousiours vn escu, & contenoient autāt de fin cōme 36. s. de la nouuelle fabrication.

Le Roy Loys douziesme qui fut dict pere du peuple, estimant l'estat des monnoyes saint & sacré, n'y voulut rien innouer quant à la substance, & se cōtenta de faire adiouster à la merque de la monnoye vn porc espic qu'il portoit en sa devise. Le Roy François premier, par lettres patentes données à saint Germain en Laye, au mois de Iuliet, 1519. fait valoir le marc d'or 147. liures, & le marc d'argent 12. liures dix solz. qui est vne proportion de 11 $\frac{1}{2}$ d'argent pour vn d'or.

Et sur ledict pris de 147. liures le marc
d'or, feit fabriquer escuz d'or au soleil,
du tiltre des precedés de 71. pieces & au
marc, courans pour 40. s. t. piece. Et sur
ledict pris de 12. liures dix solz le marc
d'argent, furent faicts nouueaux dou-
zains à la couronne de 92. pieces au marc
de 4. deniers 6. grains de loy d'argent. Et
par vertu d'autres lettres données à Nā-
toullet au mois de Mars 1532. l'escu fut
mis à quarente cinq solz t. pour empes-
cher le grand transport qu'en faisoient
les estrangers, & lors y eut proportiō de
13 $\frac{1}{2}$ d'argent pour vn d'or, ayant esgard
au fin de l'une & de l'autre espee, qui e-
stoit vn moyen pour transporter le bil-
lon, qui valloit mieux que l'or propor-
tionnement: A quoy il sceut sagement
pourueoir & reuenir au premier reigle-
mēt & analogie des matieres, Car en ver-
tu d'autres lettres patētes dōnees à Blois,
le 19. Mars 1540. il feit valoir le marc d'or
fin 165. l. 7. s. 6. d. & le marc d'argēt 14. l. qui
est vne proportiō de 11 $\frac{1}{2}$ d'argēt pour vn
d'or, sur lequel pris de 165. l. 7. 6. d. le marc
d'or, feit cōtinuer la fabricatiō des escuz
d'or au soleil semblables aux precedés. Et

à cause de l'augmentation qu'il auoit donnée ausdicts escus au soleil, & par consequence aux marcs d'or & d'argent: sur le dict pris de 14. liures le marc d'argent fait fabriquer nouueaux douzains de 3. deniers seize grains de loy & de 91. pieces & ¹/₂ au marc.

Le Roy Henry deuxiesme par ordonnance faicte à fontaine beleau au mois de Ianuier 1549. fait valoir le marc d'or fin 172. l. & le marc d'argēt le Roy de haulte loy 15. liures 15. sols (qui est proportion de 10 ⁸/₃ d'argent le roy de haute loy pour vn d'or) sur lequel pris de 172, liures le marc d'or, fait faire escuz d'or au soleil du tiltre que dessus, & de 72. pieces t. au marc courans pour 46. s. t. Et sur le pris de 14. liures 5. sols le marc d'argent en billon (qui reuiet à l'or en proportion de 12. ⁴/₇ d'argent pour vn d'or) feist fabriquer des douzains de 94. pieces au marc, & de loy à 3. deniers douze grains.

Le roy Charle neufiesme par lettres patentes, donnees au bois de Boulongne au mois d'Aoust 1568. fait valoir le marc d'or fin 185. & le marc d'argent le roy de

haute loy 15. liures quinze solds (qui est vne proportio de 11. ; d'argent pour vn d'or) sur lequel pris de 185. li. le marc d'or. Il fait continuer la fabrication des escuz semblables aux precedents pour auoir cours pour 50. solds piece, & fait faire nouueaux douzains à 3. deniers douze grains de loy argent le roy & de 102. pieces au marc.

Henry III. Roy de France & de Pologne, par lettres du mois de May 1575. fait valoir le marc d'or 222. & le marc d'argent 19 liures (qui est vne proportio de 11. ; d'argent pour vn d'or) sur lequel pris de 222. liures le marc d'or, fait continuer la fabrication des escuz semblables aux precedents de 72. pieces t. au marc. Et sur le pris de 17. liures 15. solds le marc d'argent de basse loy fait vne nouuelle fabrication de douzains de 102. pieces au marc à 2. deniers 21. grain fin.

Desquelles proportions de l'or à l'argent par l'entier tant en oeuvre que hors oeuvre, on peut iuger & estimer le pris & valeur des parties: suyuant lesquelles on trouuerra (quoy que l'on vueille dire). que l'or ne vaut point plus d'argent qu'il fai-

soit du tēps du roy Loys xj. & que 60. s. du
temps present ne cōtiennent point plus
de fin que faisoient trente troys solds de
son tēps. Et par cōsequēt l'escu n'a point
augmenté de valler de puis le temps du-
dict roy Loys xj. qu'il ne valloit que tre-
te trois s. Iusques à present, qu'il est esti-
mé 60. s. Et si maītenāt on baille pl^r grād
nōbre de pieces pour vn escu que on ne
faisoit lors, chacune desdictes pieces ne
contient tant de fin que faisoient celles
du temps passé, & d'autant plus qu'elles
augmentent en quātité d'autant plus el-
les diminuent de bonté: Comme le prati-
qua le roy Charle 8. qui feit valoir xiiij.
d. les solz forgez du regne de son pre-
decesseur roy, pour ce qu'ils estoient
meilleurs que ceux qui se faisoient de
son temps. Et si à son imitation on eust
augmenté le pris des monnoyes de bil-
lon proportionnement avecques celles
d'or, on ne fust tombé en la necessité de
monoye en laquelle on s'est veu & n'eust
on emporté toute la monnoye de ce roy-
aume, de laquelle à present nous auons
grande necessité. Qui me faict conclure
que l'escu n'a iamais vallu plus de douze

fois son pesant d'argent, & pour ceste
cause on ne peut dire qu'il ait augmenté.
Si aucun soustenoit que ce que ie pro-
pose est contre toute apparence de verité
estant notoire à vn chacun que puis na-
gueres l'escu valloit quatre liures, cent
sols & sept liures en aucuns lieux. Le franc
d'argēt, 30. s. 35. s. & 40. s. selō les pais, & le
teston vingt cinq solz, trente sols, & tre-
te cinq solz par contrees. Je confesseray
bien que ce que i'escrips est contre l'o-
pinion cōmune, & toutesfois selon la ve-
rité, comme pourra iuger celuy qui scait
que c'est que vne liure & vn sol, lequel
ne dira auoir veu bailler sept liures, cent
solz, quatre liures, ny seulement soixan-
te six solz pour vn escu, à raison de vingt
solz en especes de solz pour chacune li-
ure. Et si aucun estoit si esloigné de rai-
son de vouloir changer vn escu pour 7. l.
on luy redroiten chāge pareille monoye
surhaussée à l'equipolēt, cōme le teston
pour 35. s. ou le franc pour 46. s. 8. d. & le
plus souuent à d'aduantage, de maniere
qu'il receuoit moins qu'il ne debuoir
pour le chage de sondit escu, comme en
aucuns lieux où l'escu estoit estimé

quatre liures, & le teston vingt cinq
sols on ne bailloit en change dudict es-
cu, que trois testons & cinq solz, com-
bien qu'il en fallut quatre, & lesdicts te-
stons se changoyent pour vingt cinq sols
en petis carolus de metz de nouuelle fa-
brication, qui ne valent huiet deni.
tournois la piece, lesquels neantmoins
on exposoit pour quinze deniers: pareil-
le erreur estoit à l'endroiect des autres es-
peces, en change desquelles on ne retiroit
la vailleur de soixante sols essentielz pour
vng escu. De maniere que tels sols &
liures estoient imaginaires & non essen-
tielles, pour ce qu'elles ne faisoient fon-
ction en la solution des contractz & obli-
gations. Car celuy qui auoit sept cens li-
ures de rente en fondz de domaine,
constitution ou gaiges par chacun an
lesquels il receuoit en 233. escus vn tiers à
raison de 60. sols l'escu: & pour lesquels
233. escus; Il auoit de coustume acheter
par chacun an 116. aulnes & $\frac{2}{3}$ d'aulne
de drap pour vestir sa famille, (qui est à
raison de six liures ou deux escus l'aul-
ne) nonobstant tout vlsage & cours po-

pulaire en l'exposition des espèces, il ne
estoit si mal aduisé de receuoir moins
233. escus ; pour lesdicts 700. liures qui
est a raison de 60. sols t. l'escu, ou bien tel
autre pris porté par l'ordonnance du
Roy. car s'il se fut contenté de 100. escus
pour le payement desdicts 700. liures. Il
n'eust peu auoir pour lesdicts cent escus
que cinquante aulnes de drap, pourautât
que le marchand veut tousiours auoir
deux escus pour vne aulne de drap, à quel
que pris que l'escu puisse monter, suiuant
l'estimation duquel escu il impose pris à
sa marchandise par la l. deuxiesme du cod.
de vet. numis. potest. & de celui qui se
voudra accómoder à la voluté du peuple
cherchera le chemin d'aller à l'hospital
en poste, se contentant de cinquante aul-
nes de drap, pource dont il en pouuoit
auoir 116. ; qui sont 66. aulnes ; qu'il
perdra pour son plaisir.

Le marchand qui trafique en Italie, &
achepte l'aulne de vellours trois escuz
d'Espaigne, qui vallent en France suiuant
l'ordonnance du Roy 38. s. t. piece, qui est
8. liures 14. solz à quoy reuient ladicte

aulne de velours, laquelle en apres il re-
uend 9.liures 11 solz 6.deniers (qui est 10.
pour 100.de proffit qu'il prend, & à rai-
son de deux soldz pour liure, fuiuant l'or-
donnance de la police generale de ce roy-
aume faicte par le roy lehan lan mil trois
cens cinquante) au temps du payement.
Il ne sera si mal aduisé de receuoir ledict
escu d'Espaigne pour plus de cinquante
huiet sols, car s'il le receuoit à dauantage
il trouueroit n'auoir autant d'argēt qu'il
auroit desboursé, car s'il receuoit ledict
escu d'Espaigne pour 6.liures dixhuiet
solz (qui est à raison de 7.liu. l'escu sol,)
pour vne aulne de velours qui luy cou-
ste en premier achapt trois escuz d'Espa-
gne. Il ne receuroit que vn escu d'Espai-
gne dit pistolet, & vn tiers, & sept solz
six deniers de monnoye. Au semblable
vn marchand achapte en Flandre vne pie-
ce de serge de honscot qui luy couste
quatre liures de gros monnoye de Flan-
dres qu'il paye en quarente huiet testons
de France, de vn sol huiet deniers de gros
piece qui est dix patarts chacun teston,
& lesquels quarante huiet testons à rai-
son

son de quinze soldz tournoys piece
qu'ilz vallét en France reuiennét à tréte
six liures, qui est le pris coustant de ladi-
cte ferge, laquelle il vend à credict 39 li-
ures douze soldz, qui est à la susdicte rai-
son de dix pour cent qu'il prend de
prouffict. Au temps du payement il se
donnera bien de garde de receuoir le te-
stion à plus de quinze solz car le receuât
à dauantaige il en receuroit moindre
nombre qu'il auroit desbourcé, & par
ces exemples & familiares demonstra-
tions on voit clairement que ne faut cō-
siderer le nombre des liures qui inter-
uiennent és ventes & achaps, mais la qua-
lité & quātité des especes, & ceux se font
fort abusez, lesquels pour s'accómoder à
la volonté du peuple contre les edicts &
ordonnances du Prince, se proposent re-
cevoir les especes pour le pris qu'elles au-
ront cours entre les marchans, & pour
ceste cause suruendent leurs marchand-
ses de 30. ou 40. pour cent, pour la perte
qu'ils estiment receuoir sur le payement.
Mais le debteur considerant le surhaus-
sement de ladicte marchandise, outre &

par dessus son iuste pris & valeur, augmentera & surhaussera le pris de ses especes de 50 ou 60. pour cét de leur iuste valeur, lesquelles il baillera en payement à son creancier, lequel pensant auoir bien faict son compte se trouuera en perte de dix ou vingt pour cent, receuant lesdictes especes au pris courant entre marchans. Qui est le fruit & effect de telz contractz monopoleux & illicites, qui se font en payement courants entre marchans, desquelz n'ensuit que vne euidente perte & ruine & mescontentement des deux en iuste punition d'auoir contreuenue aux edicts & ordonnances de sa maiesté.

De l'augmentacion & surhaussement du pris des monnoyes vient la vilité & bon marché de toutes choses, & que de la reduction & rabaiz d'icelles prouient l'encherissement.

PARADOXE

deuxiesme.



Plusieurs font d'opinion
que le surhaultsment &
augmentation du pris des
monnoyes engédre vn en-
cherissémēt de toutes cho-
ses, *quia sunt precia rerum*. Et que tout ainsi q̃
pro imminutione qua in aestimatione solidi forte tracta-
tur, omnium quoque precia rerum decreſcere oportet,
p̃ari ratione ſi quod tractatur incrementum quoque &
precia rerum creſcere debent. Laquelle oppinion
eſt fondee ſur la police qui doit eſtre en
l'eſtimation de toutes choſes ſelon la va-
leur de la monnoye, qui ne s'obſerue pas
ordinairement, pour ce que ſouuente-
fois les Princes & magiſtrats ſont con-
traincts iouir de l'incōmodité du temps
plus que de leur prudence & ſageſſe, &
toutes loix ne s'obſeruent en conſequen-
ce les vnes des autres, dont aduient que
le pris des denrees ne ſuit le cours
du pris des monnoyes, mais couſtu-

micrement le commun vsage, n'estant la monnoye faicte à autre fin que pour maintenir & continuer, le trafficq de marchandise, par le moyen duquel les commoditez & necessitez sont apportees d'un lieu à autre au lieu de l'ancienne penible & facheuse permutation. Lequel trafficq est de deux especes, asçauoir regnicolle & estranger: pour le regnicolle la monnoye est plus de comodité que de necessité: & pour l'estranger tresnecesfaire, & pour ceste occasion il fault qu'elle soyt de matiere fine, comme or ou argent, pour serrer en peu de lieu & facilement transporter d'un lieu à autre vng grand pris. Et qui de pres vouldra considerer la substance & effect de ceste estrange negotiation, on ne trouuerra que vne masque permutation d'aucune chose pour & à l'encontre de certain poyds ou quantité d'or ou d'argent. Car celuy qui trafficque hors son pays n'a tant d'esgard a la valeur imposee à la monnoye, que à la bonté intrinsecque d'icelle qui rend valeur, & faict pareille fonction en tous lieux. Suiuant laquelle bonté inte-

rieure, il impose pris à sa marchandise,
pour d'iceluy pris tirer pareille quantité
d'or ou d'argent qu'il aura desboursé en
premier achapt, outre les fraiz & prof-
ficts, de maniere que le pris des monoyes
demeurant stable & arresté, le pris desdi-
ctes denrees & marchandises demeure
certain sans augmenter, qui est pour mō-
strer qu'il n'y a point d'encherissement,
à cause de ladicte augmentation du pris
des especes, pour par apres faire veoir le
bon marché qu'il aduient de toutes cho-
ses par le moyen d'iceluy, ainsi qu'il sera
dict cy apres: & continuant nostre aduāt
propos, celuy qui faict venir en ce roy-
aume aucune marchandise de pays estrā-
ger, cognoissant le changement du pris
des monnoyes par l'effrennee volonté du
peuple, il impose tel pris à sa marchandi-
se que d'iceluy il en puisse tirer ce qu'il
aura desboursé outre son proffit, comme
pour exemple l'aulne de velours ne cou-
ste en Italie que trois escuz d'Espaigne
dicts pistolets lesquels reduicts en sols &
liures suiuant les anciens statuts & or-
donnance de la France vallent (à raison

de cinquante huiſt ſolz tournoys piece,
ſuiuât l'ediſt du roy) dixhuiſt liures qua-
torze ſolz, le marchant qui ſe voudra acô-
moder à receuoir le payement ſelon
qu'il aura cours entre marchans, confide-
rera la ualeur dudiſt eſcu piſtollet, le-
quel ſ'il vault quatre liures, il vendra
l'aulne de vellours douze liures, oultre
ſon proffit, pour deſdiſtz douze liures,
tirer troys eſcus piſtolletz qui eſt ſon
principal que luy a couſté ladiſte aulne
de vellours: moyennant lequel payemēt
de troys piſtolletz pour icelle, il ſe eſti-
me bien payé & ſatiſſaiſt. Or mainte-
nant que l'eſcu eſt reduiſt par l'ordon-
nance du roy à ſoixante ſoldz il ne ſeroit
raiſonnable que celui qui doiſt douze
liures payaſt quatre eſcus, ayant conuen-
u de bailler, & le creancier de receuoir
trois eſcus pour douze liures, qui eſt à
raiſon de quatre liures l'eſcu, ſuiu-
ant lequel pris à ceſte raiſon il a ap-
reſcyé ſa mar-
chandife, autrement le debteur ſe trou-
uerroit en perte & le creancier en prou-
ffit de vingt cinq pour cent : pour eui-
ter laquelle perte il ſera contrainſt vendre

ladiçte aulne de vellours quatre escus
pour en tirer douze liures, laquelle au
precedent il ne vendoit que troys escus,
qui est vng encherissement & augmen-
tation de vingt cinq pour cent aduenant
à cause de la diminution du pris des mon-
noyes. Pour ces causes aduenant telle re-
duction seroit expedient reduire les deb-
tes crees durant le defreglement à l'equi-
pollent: *ut pecuniarum vna & eadem sit semper po-
testas, & perpetua estimatione difficultatibus permuta-
tionum aequalitate quantitatis subueniat.* Et pour
respondre a ceux qui disent que telles re-
ductions se font principalement pour
les grandes negotiations & non pour les
menuz affaires iournalliers qu'il seroit
impossible reigler. Je diray que tout ce
qui est en ce bas monde enclos dans la
voulte du ciel, est faict pour estre com-
sômé par soy mesme ou par aultruy. Les
grands heritages & possessions sont esti-
mez pour le proffit & reuenu que on en
recoit, qui est vendu & distribué à plu-
sieurs, de laquelle distribution par le me-
nu si on retire grans deniers le reuenu
en gros en sera plus estimé, & conséquē-
ment la possessio: ou si par le menu toutes

choses sont estimees & policees l'admo-
diateur ou marchand qui achepste en
gros pour vendre en detail se conduira
selon l'estimation des parties, suyuant
lesquelles il achetera le principal. Com-
me la pinte de vin vaut trois solz, le ta-
uernier se gardera d'achepter le vin plus
de quarante liures le muy, qui ne con-
tient que 288. pintes de vin clair, & 30.
pintes compris marc & lye, à laquelle
raison il gaignera soixante & quatre sols
pour la peine de son destail, & selon le
pris que le possesseur de la vigne ven-
dra le muy de vin, il estimera son herita-
ge. Semblablement selon le pris que le
boulenger vend le pain il achete le bled,
& par là les possessions tant en reuenu
que principal sont estimees, qui me faict
conclure que sont les menuz marchez
qui reiglent les grans achaps. Or apres
auoir traitté en termes generaulx du pris
des choses nous viendrons à les particu-
lariser, & delaisant les estrangeres, qui
sont plus de luxe que de necessité, nous
traitterons seulement des patriottes cō-
me viures & vestemens, desquelles on ne

se peut passer, qui sont augmentees & encheries d'autant plus que l'on à diminué le pris des especes. Car quand on exposoit l'escu sol pour quatre liures, le franc d'argent pour quarante solz, & le teston pour vingt cinq. Vn homme de cheual allant par pays, ne payoit que 15. solz pour la disnee, qu'il payoit en vn quart de franc & cinq solz, pour lequelz quinze solz que luy coste encore la disnee, il paye vn demy franc & cinq solz. La souppee & giste de vingt cinq solz se payoit en vn teston, qui couste maintenant vn teston & dix solz six deniers (qui est à raison de soixante solz l'escu, que i'apprecie les autres especes) qui estoit en somme que coustoit la iournee d'un homme de cheual quarante sols, que lon payoit en vn franc d'argent ou vn demy escu, & pour le iourd'huy on baille deux francz d'argent, ou deux tiers d'escu.

Au moys de Septembre dernier on auoit vn muy de vin pour sept escuz & demy qui valoyent trête liures, dont on en paye à present dix: le septier de bled

ne coustoit q̄ deux frācs & demy qui valloient 100. s. qui en couste au iourd'huy 5.

On ne payoit du septier d'auoyne q̄ 2. testōs & 10. s. pour 60. s. dont il fault donner à ceste heure 4. testōs & deux soldz.

On auoit vn quartier de mouton pour demy frāc qui valloit lors 20. s. & en faut donner auourd'huy vng franc entier.

On auoit troys pintes de vin & vn sold de reste d'vn quart de franc pour lequel on n'a auourd'huy que vne pinte & deux solz. On auoit semblablement pour vng quart de franc & deux soldz deux pains de six soldz & à present on n'en a que vng. On vendoit lors la paire de soulliers vingt cinq solz que lon payoit en vng teston & fault à present vng teston & dix soldz six deniers. Lesquels exemples demonstrent l'encherissement qui aduiēt de la diminution & reduction du pris des monnoyes & les hommes sont tellemēt adonnez & enclinez à l'auarice que sans mettre aulcune fin aux richesses cherchēt tous moyens de faire prouffict, quelque compte & reduction que on puisse faire. Car silz contractēt par solz & liures ilz ōt esgard à la qualité & quātité des especes,

qui interuiennent au pris. Et si on cõpte
par especes , considerét le nombre des li-
ures qu'ilz receuoiét au precedent par v-
ne malitieuse & auare viciscitude, propo-
sans tousiours quelque obiect pour pal-
lier & couvrir leurs mauuaises actions.
Mais pour tant que l'homme est capa-
ble de raison qui ne peult estre flechi par
la puissance, rebellant tousiours en soy
mesme iusques a ce qu'il soit vaincu & fa-
tiffait de la persuasiõ qu'il l'a deceu. L'ay
pour ceste cause desduict en ce dernier
discours, les principalles raisons desquel-
les il se pourroit ayder pour pallier &
couvrir voyre continuer l'augmentatiõ
du pris des monnoyes, que ie ne veux
approuuer & encores moins conseil-
ler estant pernicious & dommagea-
ble pour le bien des affaires priuees &
publicques. Mais pour faire congnoi-
stre au peuple qu'il se doit contenter
& embrasser l'ordonnance, sans recal-
citrer ny vouloir entrer en congnoissan-
ce de cause, n'ayant icelle este faicte qu'a-
uecque sage & meure deliberation, &
descision de toutes les raisons qui se

peuvent dire colligees du general & rapportees en particulier. Et celuy qui hors de toute affection particuliere voudra cognoistre & iuger l'occasion de l'encheire & surhaussemēt de toutes choses, trouuera auoir esté le surhaussement & cours desreglé des monnoyes qui ont estably le taulx, lequel estant vne fois imposé ne peut estre promptement changé (encores qu'il soit en consequence de celuy des monnoyes, ayant semblable cause, progrez, & fin &, l'un & l'autre reglé conduit & moderé par la necessité qui contraint vn chacun recercher la iuste valeur de toutes choses, selon la valeur & estimation de sa monnoye) Et tout ainsi q̃ la monnoye est estimee selon la qualité & quantité de la matiere, les faulces & alterces sont deffendues, & le cours interdit, que si aucun en a baillé aucune, il n'est seulement tenu la changer, mais il est aussi puny. Au semblable pour corriger les abus de ceux lesquels ne vendent que marchandises faulces, & deffectueuses, quand par vne police generale on impose pris à icelle, suyuant les anciens

statuts de ce royaume, commande-
ront que toutes marchandises soyent
visitees & merquees par gens à ce co-
gnoissans, auant que d'estre exposees en
vente, & que si aucune desloyalle estoit
vendue, le vendeur fust non seulement
contraint la reprendre, mais aussi pu-
ny comme celuy qui expose de la mon-
noye descree, & celuy qui suruendrait
ladiete marchandise du pris porté par l'or-
donnance, encourust la peine de celuy
qui surhausse le pris des monnoyes, par
lequel moyen toutes choses seroyent re-
duittes & maintenues en leur iuste pris
& valeur. Il reste maintenāt à faire veoir
la ruine & perte que vn chacun reçoit
du surhaussement desdictes monnoyes,
receuans moins d'or & d'argent qu'il ne
doibt pour la vente de ses fructs & arti-
fices, que l'estranger achete & transpor-
te avecques peu d'or & d'argent. Comme
on a vœu ces iours passez les Portugais
enleuer au pays de Bretaigne vne grande
quantité de bleds, qu'ilz achetoient, à
raison de six liures tournois le septier, &
pour trois septiers ne bailloyent que vn

double ducat millerayz, lequel en Portu
gal ne vault que six liures a raison de no
stre monnoye: à laquelle raison ilz ne
payent & le septier de bled ne leur cou
stoit q̄ quarente soldz, que nous estimi
ons vendre six liures: & si l'ordonnance
eut esté gardee (qui eualuë ledict mille
raiz à six liures huiet soldz) pour troys
septiers de bled on eust eu troys desdictz
millerayz en rendât vingt quatre soldz.
au lieu d'un seul que l'on receuoit: qui
estoit vne perte si euidente pour nous, &
prouffict si grād pour les portugais qu'il
eschappa à vng de dire que si aulcun luy
vouloit liurer à Nātes (auecques permis
sion de transporter) pour cent mil escus
de bled, il rendroit dans vng an aultres
cent mil escus de prouffict Et par sembla
bles moyens les espaignolz portugayz &
Flamens auecques peu d'or & d'argent, ôt
achepté & transporté vne grāde partie de
noz bledz, vins & toilles, & en telle quā
tité qu'il est à craindre vne famine & ne
cessité de toutes choses à l'aduenir, qui est
le fruit & euenemēt de tel surhaussement.

Faultes trouuees en l'Impression.

A Fueil.4.pag.1. lig. 7. lisez 118. F.6.p.
2. lig. 2.⁴⁷. F.8. pag. 1. lig. 15. ne lisez de. F.8.
p.2. l. 17, receuroit. B. p. 1. lig. 13. qu'il p. 4.
lig. 16. voudra. p. 8. l. 9. 300. B. p. 13. l. 1. lisez
conuiendrait. l. 2. lisez fussent.

F I N.

THE HISTORY OF THE

ROYAL SOCIETY OF LONDON
FROM ITS FIRST INSTITUTION
IN THE YEAR 1660
TO THE PRESENT TIME
IN TWO VOLUMES

1731

